

Broj: 03-04-258-11/2022
Sarajevo, 16.05.2022.godine

PARLAMENT FEDERACIJE BOSNE I HERCEGOVINE

Predstavnički dom
gđa Sanela Klarić, poslanik
gosp. Ivan Miličević, sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Predmet: Odgovor na poslaničku inicijativu

Prilijeno: 17-05-2022			
Org. jed.	Broj	Priloga	Vrijednost
05/1	-02-	132	122

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20), u prilogu Vam dostavljam akt Federalnog ministarstva poljoprivrede, vodoprivrede i šumarstva, broj: 03-20-799/22 od 10.05.2022. godine, koji sadrži odgovor na poslaničku inicijativu, koju je podnijela poslanik Sanela Klarić.

S poštovanjem,

SEKRETAR VLADE

mr. sc. Edita Kalajdžić



Broj: 03-20-799/22
Sarajevo, 10.05.2022. god.

BOSNA I HERCEGOVINA
FEDERACIJA BOSNE I HERCEGOVINE
GENERALNI SEKRETARIJAT
VLADA FEDERACIJE BOSNE I HERCEGOVINE

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMJERAK	13-5-2022		
Organizacija Institucija	Ministarstvo Vlada	Broj Klasifikacija	Godina Mjesec
03-04-258-11/2022			

n/r – G-đa Edita Kalajdžić, sekretar vlade

Predmet: Mišljenje na poslaničku inicijativu, dostavljamo -

Poštovana,

Vezano za Vaš akt broj:03-04-258-11/2022 od 14.04.2022. godine u kojem tražite odgovor na dostavljenu Inicijativu da se u 2022. i 2023. godini ukinu nameti za korištenja zemljišta u poljoprivredne svrhe koju je podnijela Sanela Klarić, zastupnica u Zastupničkom domu Parlamenta Federacije Bosne i Hercegovine, obavještavam Vas slijedeće:

Federalno ministarstvo poljoprivrede, vodoprivrede i šumarstva je već ranije poduzelo određene aktivnosti iz svoje nadležnosti u cilju pomoći poljoprivrednim proizvođačima, pored ostalog i u dijelu koji se tiče navedene inicijative uvažene zastupnice Sanele Klarić, na način da smo izradili Informaciju sa prijedlogom mjera, aktivnosti i preporuka koju je Vlada Federacije BiH usvojila svojim Zaključkom V. broj:272/2022. od 28.02.2022. god. gdje je pored ostalog predloženo svim nivoima vlasti u Federaciji BiH da preispitaju fiskalne i parafiskalne naknade koje opterećuju poljoprivredne proizvođače (zakup poljoprivrednog zemljišta, koncesije, različite naknade i takse, i dr.).

Shodno navedenom, važno je istaći da u skladu sa odredbama Zakona o poljoprivrednom zemljištu ("Sl. novine Federacije BiH", broj 52/09) državnim poljoprivrednim zemljištem raspolaze se na slijedeći način:

- Poljoprivredno zemljište u vlasništvu države i privatne zemljišne parcele, koje su registrirane za poljoprivrednu djelatnost, zajedno s objektima koji im pripadaju, opremom i višegodišnjim nasadima, **moгу se dati u zakup fizičkim i pravnim osobama sa svrhom obavljanja poljoprivredne proizvodnje** (član 105. Zakona).
- Odluku o raspisivanju javnog poziva za zakup poljoprivrednog zemljišta u vlasništvu države i odluku o odabiru najpovoljnije ponude **donosi općina uz saglasnost kantonalnog ministarstva** na čijem se području zemljište nalazi.

Početna cijena zakupa **ne smije biti manja od 70 % tržišne cijene zakupa** (član 108. Zakona).

- Na temelju odluke o odabiru najpovoljnije ponude na javnom pozivu za zakup poljoprivrednog zemljišta u vlasništvu države **kantonalno ministarstvo i podnositelj ponude (zakupoprimac) sklapaju ugovor o zakupu.**

Na temelju sklopljenog ugovora o zakupu, **zakupoprimca u posjed poljoprivrednog zemljišta u vlasništvu države uводи kantonalno ministarstvo** (član 109. Zakona).

- U članu 111. Zakona je propisano da se zakupnina **utvrđuje** zavisno od namjene korištenja, lokacije i drugih ekonomskih uvjeta u skladu sa kriterijima koje utvrđuje **kantonalno ministarstvo**

Početna cijena na natječaju za dugogodišnji zakup i zakup poljoprivrednog zemljišta i početna visina naknade za dugogodišnji zakup poljoprivrednog zemljišta utvrđuje se prema vrijednostima navedenim u tabeli br. 1, Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine FBiH“, broj 78/09).

Imajući u vidu sve gore navedeno i da se sredstva ostvarena od zakupa i koncesije poljoprivrednog zemljišta u vlasništvu države dijele između kantona i jedinica lokalne samouprave u odnosu 70:30 u korist jedinica lokalne samouprave mjerodavne institucije koje određuju tržišnu cijenu zakupa su resorno kantonalno ministarstvo ili općinska služba nadležna za poljoprivredu na čijem teritoriju se nalazi zemljišna parcela.

S poštovanjem,



Prilog: kao u tekstu

Dostavljeno:

1. Naslovu,
2. Sektoru za poljoprivredu i prehrambenu industriju,
3. a/a.

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede,
vodoprivrede i šumarstva

BOSNIA AND HERZEGOVINA
FEDERATION OF BOSNIA AND HERZEGOVINA
Federal Ministry of Agriculture, Water
Management and Forestry

Broj: 03-20/2- 393 /22
Sarajevo, 24.02.2022. godine

BOSNA I HERCEGOVINA
FEDERACIJA BOSNE I HERCEGOVINE
GENERALNI SEKRETARIJAT
VLADE FEDERACIJE BOSNE I HERCEGOVINE
gđa. Edita Kalajdžić, sekretar Vlade

PREMIJENO

datum: 28-02-2022

lokacija:

PREDMET: Informacija o realizaciji Zaključka Vlade F BiH V. broj 218/2022 od 24.02.2022. godine sa prijedlogom mjera, dostavlja se;-

Postupajući u skladu sa odredbama Poslovnika o radu Vlade Federacije BiH- Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21) i Zaključkom Vlade Federacije Bosne i Hercegovine V. broj 218/2022 od 24.02.2022. godine, Federalno ministarstvo poljoprivrede, vodoprivrede i šumarstva je sačinilo Informaciju sa prijedlogom mjera o realizaciji predmetnog zaključka koju Vam dostavljamo u prilogu, u printanoj i elektronskoj formi.

Molimo da predmetnu Informaciju uvrstite na dnevni red naredne sjednice Vlade Federacije BiH u cilju razmatranja i prihvatanja.

S poštovanjem.

Prilog: Kao u tekstu.

Dostavljeno:

1. Naslovu,
2. a/a.



MINISTAR

m. Semsudin Dedić

INFORMACIJA

Federalnog ministarstva poljoprivrede, vodoprivrede i šumarstva o realizaciji Zaključka Vlade F BiH V. broj 218/2022 od 24.02.2022. godine sa prijedlogom mjera

U vezi sa Zaključkom Vlade Federacije Bosne i Hercegovine V. broj 218/2022 od 24.02.2022. godine, Federalno ministarstvo poljoprivrede, vodoprivrede i šumarstva je već poduzelo određene aktivnosti, te smo u vezi s tim pripremili Informaciju sa prijedlogom mjera i zaključkom.

Trenutno stanje u poljoprivrednom sektoru u Federaciji Bosne i Hercegovine kao i Bosni i Hercegovini u cjelini, koje je prouzrokovano povećanjem cijena plina i ostalih energenata na svjetskom tržištu, time i najvažnijih repromaterijala, inputa u poljoprivrednoj proizvodnji (mineralnog gnojiva, sjemena, goriva, zaštitnih sredstava i dr.), dovelo je do otežanog vršenja adekvatne i pravovremene sjetve poljoprivrednih površina u Federaciji Bosne i Hercegovine.

U situaciji očekivanih ekonomskih poremećaja prouzrokovanih rusko-ukrainskim sukobom, pogotovo što se radi o zemljama koje su među najvećim proizvođačima žitarica u svijetu, prouzrokovat će najvjerojatnije poremećaj na tržištu žitarica i drugih berzanskih proizvoda, zbog čega se očekuje sve veća potražnja tih proizvoda u svijetu. Uz ranija poskupljenja plina i ostalih energenata u svijetu od druge polovine 2021. godine, što je doprinjelo poskupljenju najvažnijih repromaterijala u poljoprivrednoj proizvodnji, umnogome će usložniti situaciju vezano za proizvodnju poljoprivrednih i prehrambenih proizvoda te ponudu i potražnju istih na tržištu. S tim u vezi potrebno je poduzeti mjere i radnje koje će uticati na povećanje primarne poljoprivredne proizvodnje, poljoprivredno-prehrambenih proizvoda i osigurati što veće zalihe potrebnih proizvoda u robnim rezervama za potrebe stanovništva u Federaciji Bosne i Hercegovine.

U tom smislu Federalno ministarstvo poljoprivrede, vodoprivrede i šumarstva je već poduzelo niz aktivnosti, pored ostalog, održali smo veći broj konsultativnih sastanaka sa različitim grupacijama poljoprivrednih proizvođača, federalnih udruženja poljoprivrednika, kantonalnim ministrima, odnosno predstavnicima kantonalnih ministarstava nadležnih za oblast poljoprivrede, sa ciljem pomoći poljoprivrednim proizvođačima, kako bi se osigurale što veće količine primarnih poljoprivrednih proizvoda. S tim u vezi na prijedlog Federalnog ministarstva poljoprivrede, vodoprivrede i šumarstva, Vlada Federacije BiH je na 304. sjednici održanoj 24.02.2022. godine usvojila Informaciju sa prijedlogom zaključka o poduzimanju potrebnih aktivnosti o što hitnijoj podršci poljoprivrednim proizvođačima zbog otežanih uslova poljoprivredne proizvodnje, **u tom smislu će se blagovremeno i po skraćenoj proceduri pripremiti i usvojiti Program utroška sredstava sa kriterijima raspodjele sredstava „Subvencije privatnim preduzećima i preduzetnicima – Poticaj za poljoprivredu“ utvrđenih Budžetom Federacije BiH za 2022.**

godinu Federalnom ministarstvu poljoprivrede, vodoprivrede i šumarstva, u skladu s tim će se izvršiti i potrebna dopuna Zakona o izvršenju Budžeta Federacije Bosne i Hercegovine za 2022. godinu.

Također su pozvana i nadležna kantonalna ministarstva da animiraju klijente da podnesu zahtjev za ostvarivanje prava na novčanu podršku, kao i druge potrebne radnje, za sve završene proizvodnje, te odmah po usvajanju Budžeta Federacije BiH i Programa podrški za 2022. godinu dostave obračun Federalnom ministarstvu poljoprivrede, vodoprivrede i šumarstva, kao i da iz vlastitih sredstava osiguraju podršku sjetvi poljoprivrednih površina u biljnoj proizvodnji.

Pored naprijed navedenih aktivnosti, Federalno ministarstvo poljoprivrede, vodoprivrede i šumarstva predlaže poduzimanje drugih mjera i radnji u saradnji sa Federalnom direkcijom robnih rezervi s ciljem unapređenja i povećanja proizvodnje primarnih poljoprivrednih i prehrambenih proizvoda u Federaciji BiH, te stvaranja većih zaliha u robnim rezervama poljoprivrednih i prehrambenih proizvoda, goriva i ostalih životnih namirnica.

U skladu sa naprijed navedenim zaključkom Vlade Federacije Bosne i Hercegovine, obavili smo konsultacije sa Federalnom direkcijom robnih rezervi, te u tom smislu predlažemo slijedeće mjere:

- da Federalna direkcija robnih rezervi dostavi Vladi FBiH na usvajanje Odluku da se iz postojećih zaliha robnih rezervi osigura dodjela goriva poljoprivrednim proizvođačima u Federaciji BiH (50 litara po hektaru obrađene površine),
- da Federalno ministarstvo poljoprivrede, vodoprivrede i šumarstva dostavi Federalnoj direkciji robnih rezervi spisak poljoprivrednih proizvođača koji su u 2021. godini ostvarili podršku po hektaru obradive površine na federalnom nivou, (22.671,60 ha), a koji su izvršili ažuriranje podataka u Registru poljoprivrednih gazdinstava i registru klijenata u 2022. godini i prijavu proizvodnje u 2022. godini. Maksimalan iznos podrške po klijentu ne može biti veći od ostvarene podrške za broj hektara obrađene površine u 2021. godini,
- da Kantonalne Vlade donesu Odluku ili Zaključak i dostave Federalnoj direkciji robnih rezervi spisak poljoprivrednih proizvođača koji su u 2021. godini ostvarili podršku po hektaru obradive površine na kantonalnom nivou, a koji su izvršili ažuriranje podataka u Registru poljoprivrednih gazdinstava i registru klijenata i prijavu proizvodnje u 2022. godini. Maksimalan iznos podrške po klijentu ne može biti veći od ostvarene podrške za broj hektara obrađene površine u 2021. godini,
- da Federalno ministarstvo poljoprivrede, vodoprivrede i šumarstva pripremi za Vladu FBiH Program novčanih podrški u poljoprivredi i ruralnom razvoju za 2022. godinu sa mjerama podrške koje će doprinijeti održivosti i povećanju poljoprivredne proizvodnje,
- da Federalna direkcija robnih rezervi garantuje otkup proizvedene merkantilne pšenice sjetva 2021/2022. godina, po prosječnoj cijeni koja bude na tržištu u datom periodu, za potrebe robnih rezervi,
- pozivaju se kantonalne Vlade da stave u funkciju svoje robne rezerve,

- preporučuje se svim nivoima vlasti u Federaciji BiH da preispitaju fiskalne i parafiskalne naknade koji opterećuju poljoprivredne proizvođače (zakup poljoprivrednog zemljišta, koncesije, različite naknade i takse, i dr.),

U tom smislu predlaže se zaključak, koji je u prilogu ove informacije.

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 305. tematskoj sjednici, održanoj 28.02.2022. godine, donosi

ZAKLJUČAK

1. Usvaja se Informacija Federalnog ministarstva poljoprivrede, vodoprivrede i šumarstva sa prijedlogom mjera.
2. Pozivaju se nadležna tijela i svi nivoi vlasti u Federaciji Bosne i Hercegovine da, u skladu sa predloženim mjerama i svojim nadležnostima, poduzmu potrebne aktivnosti na realizaciji istih.
3. Zadužuje se Federalna direkcija robnih rezervi da pripremi Prijedlog odluke za Vladu Federacije Bosne i Hercegovine sa ciljem provođenja mjera i aktivnosti iz svoje nadležnosti.
4. Ovaj zaključak stupa na snagu danom donošenja.

V. broj: 272 /2022
28.02.2022. godine
Sarajevo

